

KANTONALNI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Kupac) koga zastupa i predstavlja Predsjednik suda Jasmin Jahjaefendić

i

„ENERGOPETROL“ d.d. Sarajevo, sa sjedištem u ulici Maršala Tita 36, ID broj: 4200163020002 (u daljem tekstu Dobavljač) koga zastupa i predstavlja direktor Ante Aralica i izvršni direktor Vjekoslav Ivandija

z a k l j u č u j u

**UGOVOR
O SUKCESIVNOJ NABAVCI GORIVA ZA SLUŽBENA PUTNIČKA MOTORNA VOZILA
KANTONALNOG SUDA U SARAJEVU**

Član 1.

Predmet ovog Ugovora je sukcesivna nabavka pogonskog goriva za službena putnička motorna vozila Kantonalnog suda u Sarajevu i to:

1. Eurodizel EN 590 EURO V - cca 720 litara na godišnjem nivou,
 2. Benzin 95 BMB- BAS EN 228 – cca 1.200 litara na godišnjem nivou,
- a na osnovu ponude broj: E100-01-3-941/17 od 24.07.2017.godine, koja je sastavni dio ovog Ugovora.

Član 2

Ukupna vrijednost ugovora prema specificiranim količinama na godišnjem nivou bez PDV-a iznosi 2.861,45 KM, a sa uračunatim PDV-om iznosi 3.258,04 KM. U ponuđenoj cijeni uračunat je rabat od 2,68% i iznosi 76,80 KM. Rabat je fiksna i odobravat će se tokom cijelog trajanja Ugovora.

Član 3.

Dobavljač se obavezuje da fakture za isporučenu robu ispostavlja na kraju mjeseca, a kupac se obavezuje da će primljenu robu plaćati prodavcu po isporučenoj fakturi u roku od najviše 30 (trideset) dana od momenta prijema fakture .

Član 4.

Cijene su utvrđene u ponudi i nepromjenjive su u skladu nepromjenjivoću cijena na svjetskom i domaćem tržištu. Dobavljač se obavezuje da će o svakoj promjeni blagovremeno obavjesti kupca tako što će dostaviti OPC obrazac ovjeren od strane Federalnog ministarstva trgovine. Cijene goriva su maloprodajne (sa uračunatim PDV-om) umanjene za rabat iz člana 2.ovog Ugovora.

Član 5.

Dobavljač se obavezuje da isporučiti robu / robe iz člana 1. ovog Ugovora kupcu prema specifikaciji, u mjestu, na način i u roku zahtjevanom od kupca, kao i važećim Zakonskim propisima koji regulišu oblast kvaliteta, a u suprotnom se obavezuje da naknadi svaku eventualnu štetu kupcu koju on pretrpi zbog navedenih razloga.

Član 6.

Dobavljač garantuje da kvalitet naftnih derivata zadovoljava važeće standarde o kvalitetu, te se obavezuje da će na zahtjev kupca dostaviti kopiju certifikata o kvalitetu derivata.

Član 7.

Ugovor stupa na snagu danom potpisivanja istog i primjenjuje se 1 (jednu) godinu dana od momenta obostranog potpisivanja.

Član 8.

Ugovorne strane mogu ovaj Ugovor raskinuti i ranije ukoliko se jedna od strane ne bude pridržavala odredaba ovog Ugovora uz prethodno izmirenje svih obaveza nastalih po osnovu ugovora.

Član 9.

Otkazni rok po ovom ugovoru je 30 dana od prijema pismenog obavještenja, a po isteku tog roka ugovor se smatra raskinutim.

Član 10.

Ugovorne strane su saglasne da će se pridržavati zakonskih propisa i da će čuvati poslovnu tajnost i pridržavati se poslovnih običaja.

Član 11.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće nadležan je Općinski sud u Sarajevu.

Član 12

Ugovor je sačinjen u 4 (četiri) istovjetna primjerka, od koji svaka strana zadržava pod 2 (dva) primjerka.

DOBAVLJAČ:

ENERGOPETROL d.d. Sarajevo

Direktor

Izvršni direktor

Broj:-----

Sarajevo, _____ godine

KUPAC:

KANTONALNI SUD U SARAJEVU

Predsjednik suda

Jasmin Jahjaefendić

Broj: 009-0-Su-17-000797

Sarajevo, _____ godine